

# Go tru long Niu Samting

I kam long Brynn Wengler  
Ol Magasin blong Jos

## OL SAPLAE

- Wan rektangol saes pepa blong wanwan man (Istandet pepa we oli printim, katem long haf bae i wok gud!)
- Wan samting blong raetem o dro wetem



*Hemia i wan lesen blong gat wan gud taem we yu save tijim famli o klas blong yu long hem long taem blong Kam Folem Mi stadi blong manis ia.*

**TAEM YU TRAEM** wan niu samting, yu maet filim olsem Nifae we i stap lukaotem ol buk we oli wokem long gol, "no save yet wanem samting bae [yu] mas mekem" (1 Nifae 4:6). Be tingbaot, yu yu neva stap yuwan, speseli taem yu stap mekem wan samting we God i komandem.

### 1. Hem i No Save Bifo

Givim wan pis pepa long wanwan man. Be no talem long olgeta se hem i blong wanem. Be, tokbaot olsem wanem yumi stap kasem revelesen we i kam long God wan step afta narawan, olsem we Nifae i bin karem ol buk we oli wokem wetem gol (luk long 1 Nifae 3-4) o i bin bildim wan sip (luk long 1 Nifae 17-18).

### 2. Smol long ples ia mo Smol Longwe

!Naoia i taem blong gat wan gud taem! Ridim wanwan long ol instraksen ia laod blong helpem grup blong yu blong foldem samting ia we oli no save gud yet se i wanem. (Hem i had taem i No gat pikja! Sapos oli nidim moa help, letem oli jusum wan step long wan taem.)


### 3. Revelesen: Spirit i Lidim

!Famli blong yu o klas naoia i sud gat wan pepa bot! Tekem sam minit blong toktok abaot ol taem we yumi evriwan i bin nidim daereksen blong God "smol long ples ia mo smol longwe." Yu save raetem o droem wan samting long ol bot blong yufala blong tingabaot olgeta taem ia. Taem laef i sakem ol niu samting long yu, no fogetem blong lukaotem revelesen we i kam long God. Tingbaot, bae Hem oltaem mekem rere wan wei blong yu mekem wanem we Hem i bin askem (luk long 1 Nifae 3:7).

## OL INSTRAKSEN

1.

Holem pis pepa long en blong soifala saed blong pepa antap. Foldem long haf, stat long en blong pepa kasem nara en.




2.

Foldem long haf bakegen long lef i go long raet, afta open bakegen long ples we yu bin foldem.

3.

Wetem kona we yu foldem antap, tekem top blong tufala kona ia mo foldem tufala i kam joen long laen long medel. Taem we bae yu foldem finis bae yu luk i olsem traengol wetem wan rektangol long en daon.


4.



Tekem wansaed en blong rektangol daon ia mo foldem i go antap. Tanem i go narasaed mo riptitim wetem nara rektangol long narasaed.


5.

Pulum blong openem pepa andanit blong i luk olsem wan hat.




6.

Gohed blong pulum kasem tufala en i mit mo mekem i flat olsem sep blong wan daeman.




7.

Wetem en we i open andanit, holem fas en blong pepa mo foldem i go antap long top blong daeman. Tanem narasaed mo riptitim semmak samting long narasaed. Bae yu luk i olsem wan traengol.



8.



Pulum i openem en pat ia mo mekem i flat olsem we yu bin mekem long step 5 mo 6, i go long sep blong wan daeman.

9.

Top blong daeman blong yu i sud gat tu traengol, wan long lef mo wan long raet. Putum tufala en ia i kamaot mo mekem i flat blong yu gat wan trapesod we i lukluk i go daon. Afta pusumaot ol saed blong helpem hem i stanap hemwan.

